



Protocol

Radunanza cumünala dals 28.8.2015

Presidi: Peer-Puorger Victor

Preschaint: 51 votantas e votants

S-chüsà: Robert Koch, Mario Molinaro, Duri Janett, Leta Steck-Rauch

Scrutinadurs: Georg Häfner e Gisep Gustin

Protocol: Luzzi-Barblan Georg

tractandas	tema	responsabel
13	011 Legislativa Acconsentimaint protocol	
15	942 Stabels da la facultà da finanzas Contrat cumprita da la chasa no. 1-233 / 1-233A-A / 1-232 per l'import da fr. 630'000.00 (OEE)	
14	942 Stabels da la facultà da finanzas Acconsentimaint per la vendita da la chasa no. 9 a Ramosch e la chasa no. 1-174 e 1-174A a S-chadatsch	
16	861 Ütilisaziun da la rait Statuts dal CEE (Corporaziun Energia Engiadina)	
17	020 Administraziun cumünala Statuts da la "Regiun Engiadina Bassa/Val Müstair"	
18	011 Legislativa Varia (radunanza cumünala)	

011 Legislativa

13 **Acconsentimaint protocol**

Il protocol dals 2 lügl 2015 vegn approvà. Il capo infuorma ch'üna delegaziun ha pudü metter in net las zonas in Val d'Assa, quai chi riguarda il uorden da pasculaziun.

942 Stabels da la facultà da finanzas

15 **Contrat cumprita da la chasa no. 1-233 / 1-233A-A / 1-232 per l'import da fr. 630'000.00 (OEE)**

Il capo fa üna cuorta introducziun sco chi'd es gnü a quista collavuraziun e decisiun. El da il pled ad Andrea Gilli, il president da la ditta Bieraria Tschlin SA. Sar Gilli infuorma sur da las decisiuns cha'l cussagl administrativ ha trat l'ultim on e da il pled inavant al mainagestiu. Reto Rauch preschainta la PP ch'el ha fingià preschantà a la populaziun lündeschdi passà. El muossa via sülla produczion, l'andamaint actual, las localitats, ils problems logistics, las finanzas, l'urgenza da far müdada a Martina illas localitats dal OEE, il plan da terms pro ün eventuala müdada. Il layout da la bieraria resta eir in avegnir. Inavant preschainta el che chi's pudess realisar illa fracziun da Tschlin. Il concept vegn elavurà d'üna gruppa da lavur da l'organisaziun BUN TSCHLIN. Per finir manzuna el amo ils avantags e l'importanza da quista müdada resp. cumprita da la chasa surmanzunada.

Il capo ingrazcha a Reto Rauch per la preschantaziun. El infuorma sco cha'l cumün es gnü involvà in quista chosa e che trattativas cha'l cumün ha manà fin hoz. Cul preventiv chi gnarà preschantà la fin dal on gnarà suottamiss eir la dumonda per sustegner ulteriurs 3 ons il mainagestiu da la bieraria cun ün import da fr. 120'000.00. I segua üna discussiun intensiva cun dumondas a regard la finanziaziun tras il cumün, il bsögn da far müdada, la collavuraziun cul Bun Tschlin, la relaziun tanter dittas privatas e la Bieraria Tschlin SA cul cumün.

La votumaziun segua in scrit. Entradas 50 vuschs, 39 schi ed 11 na, 1 vusch vöda. Cun quai retschaiva il cumün l'acconsentimaint per comprar l'object per ün import da fr. 630'000.00 Andrea Gilli ingrazcha per la votumaziun e la fiduzcha.

942 Stabels da la facultà da finanzas

14 **Acconsentimaint per la vendita da la chasa no. 9 a Ramosch e la chasa no. 1-174 e 1-174A a S-chadatsch**

Il capo manzuna l'andamaint perchè chi's vuol vender quists objects. Per il cumün nun han quists 2 objects ingün serv. La suprastanza cumünala suottametta perquai la dumonda per improvar da vender ils objects. Sar Jachen Andrighetti s'indreschischa sch'ün contrat da vendita vegn suottamiss a la radunanza. Il capo conferma ch'ün contrat da vendita po far bun be la radunanza cumünala. La radunanza decida cun gronda majorità per dar l'acconsentimaint.

861 Ütilisaziun da la rait

16 **Statuts dal CEE (Corporaziun Energia Engiadina)**

Il capo manzuna sco chi sun gnüts stipulats ils statuts. Müdamaints nu das-cha la radunanza far bun. Fingià fat bun han ils cumüns Zernez e Brail, Scuol segua ils 13.09.15. La radunanza cumünala fa bun cun gronda majorità ils statuts da la CEE.

020 Administraziun cumünala

17 **Statuts da la "Regiun Engiadina Bassa/Val Müstair"**

Il capo fa üna cuorta introducziun e da il pled al mainagestiu da la Regiun Engiadina Bassa / Val Müstair. Rico Kienz infuorma sur dals status resp. singuls artichels in fuorma d'üna preschantaziun implü eir sur da la clav da scumpart e las finanzas. La radunanza cumünala fa bun ils statuts da la regiun cun gronda majorità. Rico Kienz ingrazcha per la fiduzcha.

011 Legislativa
18 **Varia (radunanza cumünala)**

Ingün nu giavüscha il pled. Il capo infuorma cha l'egualisaziun da finanzas chantunala es uossa gnüda acconsentida. Il cumün da Valsot retschaiva vi da l'egualisaziun da finanzas ün import da ca. fr. 1'000'000.00. Il capo ingrazcha per la cumparsa e giavüscha a tuots üna bella saira.

7556 Ramosch, 02.09.2015



Il capo:

A handwritten signature in blue ink, appearing to be 'V. Per', written over the text 'Il capo:'.

Il manader administraziun:

A handwritten signature in blue ink, appearing to be 'A. ...', written over the text 'Il manader administraziun:'.